



Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XXIII. Vtru[m] sint peculiaria quaedam vitia, propter quae suo fructu
spoliatur Confessio.

urn:nbn:de:hbz:466:1-30362

Caput IIII. De Confessionis

Si Cōfessarius careat Potestate ordinis, vel iurisdictionis.

Si non habeat voluntatem conferendi Sacramentum.

Si ipsius iurisdictionis per censuram Ecclesiasticam sit impedita.

Si Absolutionis formam non dicat.

Si Absolutionis formam corrumpat.

Si adeo sit indoctus, ut nesciat inter lepram,
& non lepram distinguere.

Si excommunicatus fit.

Ratione satisfactiōis iterāda venit Cōfessio.

Si careat voluntate satisfaciendi. Huiusmodi enim pœnitens non habet voluntatem suscipiendi Sacramentum integrē.

Veruntamen, si quis initio statuat satisfacere; postea verò non impleat: illius Confessio non est iteranda. Sine pœnitentia enim sunt dona DEI.

POSTREMO, propter casus reservatos iteranda est Confessio. Vnde excommunicatus, si confiteatur priusquam absolutus est, illius Confessio planè irrita est.

Quæstio XXIII. Suntne peculiaria quedam vitia, propter quæ, suo fructu spoliatur Confessio?

Respoſio. Vnt sanè non pauca, ac PRIMO omnium Confessionem vitiat laus ex humili scilicet & diligenti Cōfessione quæſita; vt si quis ex

ex humili & pura Confessione laudem venetur. Quare, si quis hoc malo senserit se vulneratum, ne formidet in fine Confessionis vulnus detegere, ut salutarem obtinere valeat Absolutionis medelam.

SECVNDO, inutilem reddit Confessionem deriuatio peccati in DEVM. Est enim ferè nobis hoc vitiū agnatū, & ab Adamo transfusum in nos cū tota infelici hæreditate, ut vitiū in alium deriuemus. Mulier (aiebat ille, DEVM videlicet reum facturus) quam dedisti mihi sociam, dedit mihi: quasi dicat: Nisi tu mihi sociam dedisses mulierem, non eram peccaturus. Sic veteres quondam Iudæi: Quare ieunauimus, & nō aspexisti? Humiliauimus animas nostras, & Esa. 58. nesciuisti? Non est æqua via Domini; quasi DEVM iniquitatis, nō se violatae legis reos constituentes.

TERTIO, aliij peccati caussam reiicunt in Diabolū. Sic illa dicebat: Serpens decepit Gen. 3. me; quasi verò Diabolus homini nece sitatē inferre, aut ad peccatū compellere posset.

QVARTO, aliij peruersitatis suæ noxā optimis DEI creaturis ascribunt. Quid enim aliud agunt, qui se, nescio quo Planeta, natos quiritantur; ut à furtis, vel scortationibus abstinere nō possint, quam ut DEI creaturas, atq; in DEVM ipsarum Conditorem culpam detorqueant.

QVINTO, se ita natos esse aiunt aliij; vt

Caput IIII. De Confessionis

nisi potest, sint morbi contracturi, nimis corporis temperaturā ita mendaciter incusantes, ut cedat in blasphemiam Diuinam.

S E X T O, non desunt, nec defuerunt unquam, qui sibi hoc nomine placent, quod in peccati causam proferre queant suggestionem, blanditias, dona proximi, quibus expugnati, peccato vietas manus porrexerint, quorum Confessio, cum non sit tam accusans, quam excusans, nullū sortitur effectū.

S E P T I M O, pro sua impudentia peccatorum praetextum querunt alij ex Diuni adiutorij subtractione. Sed impia horum est excusatio, cui Apostolus dicat: Fidelis DEVS, qui non patietur vos tentari supra id quod potestis; sed faciet etiam cui temptatione prouentum. Verum est, desertum à gratia non posse abstinere à peccando: DEVS tamen suos ita conservat, etiam orbatos gratia, cum per Angelos ministros tentationes amovet; ut facilissimum sit in peccatum non ruerere. Quapropter faceant cauillationes, apologiae, & peccatorum extenuationes, ne blasphemiae in DVM nos alligemus.

Sunt **P O S T R E M O** non pauci, qui suorum peccatorum Confessionem instituētes, suas potius depredicant virtutes, quam peccatorum se reos faciant. Aiunt enim Diuina sauente clementia, orationibus & aliis Christianæ religionis officiis vacauit, me integrum à peccatis custodiui; praterque quod non satis gratum

1. Cor. 10.

gratū me de beneficiis Dñi in anima dver-
tam. Hi sunt similes Phariseo, cuius oratio in **Luc. 18.**
sui præ aliis laude consumebatur.

QVOCIRCA, qui vult rectè confiteri,
dicat oportet: Ego sum, q̄ peccavi; ego q̄ ini-
quitatē cōmisi; **DEVS** gratiā obtulit, sæpius
me liberauit: Ego tamē per meā improbita-
tē, ac summū nefas, in istud me crimē cōieci.

C A P V T V.

De Effectibus & Vtilita- te Confessionis.

Liberatne Confessio à morte peccati? **Quæstio**

I.

Respoſio.

POENITENTIÆ, in quantū est
Sacramentum, præcipua pars est
Confessio, quia per eā homo mi-
nistris Ecclesiæ se subdit, qui sunt
Sacramentorum dispensatores. Deinde con-
tritio votum Confessionis annexā habet, &
satisfactio pro iudicio Sacerdotis, cui fit Cō-
fessio, imponitur. Et quia in Sacramēto Pœ-
nitentiæ gratia infunditur, per quā sit remis-
sio peccatorū, sicut in Baptismo: Ideò eo mo-
do Confessio ex vi Absolutionis coniuncta,
remitit culpam, quæ dicitur mors animæ,
sicut & Baptismus. Quare Cōfessio dñi pec-
catorēm à culpa liberat, eum à morte peccati
liberare dicitur.